

Seminar Kerjaya Generasi Y 2012 8 November

KUALA LUMPUR - Seminar Kerjaya Generasi Y 2012 yang dianjurkan buat julung-julung kalinya dijangka menarik penyertaan lebih 200 peserta dari seluruh negara pada 8 November depan.

Generasi Y merujuk kepada golongan muda berusia antara 19 hingga 30 tahun.

Seminar itu akan diadakan di Hotel Impiana KLCC, Jalan Pinang di sini bermula pukul 8 pagi hingga 5 petang.

Ia dianjurkan oleh Pusat Penempatan Kerjaya, Universiti Putra Malaysia (UPM) dengan kerjasama Majlis Kaunseling dan kerjaya Universiti-Universiti Malaysia.

Pengarah Pusat Penempatan Kerjaya UPM, Che An Abdul Dhani (**gambar**) merangkap pengerusi seminar itu berkata, tujuan seminar untuk mendededahkan majikan bagaimana cara merancang pengurusan sumber manusia untuk mengenal pasti minat remaja sekarang.

"Selain peluang pekerjaan, seminar ini sejajar dengan pelan transformasi negara untuk menjadikan tenaga kerja berkualiti," katanya dalam satu kenyataan akhbar di sini semalam.

Seminar itu terbuka kepada kaunselor, guru pembimbing, pegawai psikologi, pegawai sumber manusia dan orang ramai yang berminat boleh menghubungi talian **03-894 71319** atau **03-894 71338**.

